

SHKALLËT E BESIMTARËVE NË RRUGËTIMIN DREJT ALLAHUT (MEDAARIXH ES-SAALIKIIN)

Kullimi / *el-Ikhlaas* /

Dr. Hatim el-Haxh

Materiali është përmbledhje e kuptimeve të audio-ligjëratës nga nxënësit e hoxhës

<https://buff.ly/2hbVv4T>

Allahu ﷻ thotë:

"أَلَا لِلَّهِ الدِّينُ الْخَالِصُ"

“Natyrisht që Allahut duhet kushtuar feja e kulluar.” (ez-Zumer, 3)

Kullimi është pastrimi i veprave nga të gjitha ndyrësitë. Kjo ka tri nivele:

Niveli i parë është:

- Pastrimi i veprimeve nga të parët e veprimeve¹
- Shpëtimi nga halli i kërkimit të shpërblimit²
- Heqja dorë nga kënaqja me veprimet personale³

Niveli i dytë është:

- Turpërimi nga veprimet personale ndërsa shquhesh me to⁴

¹ Duke parë origjinën e tyre apo krijimin e tyre nga Allahu, duke përngjarë veten me gjethet e lisit që lëvizin ngado që të fryjë era. Ibn el-Kajjim thotë se ushtrimi i determinizmit (*el-xhebr*) në këtë rast i bën mirë zemrës.

² T'i shërbesh Zotit, sepse Ai meriton shërbimin (adhurimin) tonë. Dhe kënaqja e Tij është synimi ynë kryesor.

³ Asnjëherë s'duhet parë veten si të mirë në shërbimin që i bën Krijuesit dhe Mbajtësit.

⁴ Et-Tirmidhi shënoi nga AbduRrahmaan bin Sa'id bin Wehb se Aisha tha: “Pyeta të Dërguarin e Allahut për ajetin ‘Ata që japin atë çfarë japin ndërsa zemrat i kanë të frikësuar ...’ (23:60) se a bëhet fjalë për ata që dehen dhe vjedhin, dhe ai tha: ‘O bija e es-Siddikut, këta janë ata, që agjërojnë, falin namaz, dhe japin sadaka ndërsa kanë frikë se Zoti i tyre s’do t’ua pranojë: ‘Të këtillët ngarendin në punë të mira dhe kryesojnë në këtë.’ (23:61)”

- Kulmimi në përpjekje ndërsa kërkon ndihmë (nga Allahu) që të mos shohësh përpjekjen⁵
- Të parët e veprimeve personale me dritën e *teufik* (suksesit të dhënë nga Allahu) si një dhuratë bujare nga Burimi i bujarisë

Niveli i tretë është pastrimi i veprimit nëpërmjet ikjes nga veprimi:

- Duke e lejuar (veprimin) të ndjekë udhëzimin e dijes (vendimeve fetare)
- Duke parë dorën e Allahut (vullnetin universal)
- Duke qenë i lirë nga robërimi i të gjitha formave⁶

⁵ Bëj vepra të mira dhe përsos ato, por ruhu të mos shohësh këtë përsosuri. Të parët e përsosurisë prish përsosurinë dhe mund të të shkatërrojë.

⁶ Të gjitha manifestimet e gjithëfuqisë së Tij në dynja, përfshirë dhe shërbimin (adhurimin) tënd, s'janë gjë tjetër veçse manifestime të gjithëfuqisë së Tij. Prandaj, le të lidhet zemra jote me Të, jo me manifestimet.